

Tèm Referans: Konsiltan pou Sipòte ak Evaliasyon Kapasite Mouvman Sosyal an Ayiti

- Ki Kote:** Ayiti, zòn Metropolitan preferab
- Dire:** Karant (40) jou an total pandan kat (4) mwa, 1 Avril rive 31 Jiyè 2021
- Pwogram:** Inisyativ Kominote Modèl - Lavil

I. Kontext

Depase Fwontyè Yo se yon fondasyon Beyond Borders kreye depi lane 2015 k ap travay pou kore mouvman sosyal an Ayiti. Beyond Borders kreye depi 1993. Vizyon Depase Fwontyè yo/Beyond Borders genyen se pou yon Ayiti kote:

- Ayisyen ak Ayisyèn monte gwo defi yo depi yo kesyone ansanm, fè rev ansanm epi aji ansanm;
- Fanm ak om jwenn plis pouvwa depi yon balanse pouvwa antre yo de fason pi ekilib;
- Fanmi ak kominote yo vanse ak plis siksè paske relasyon yo baze sou konfiyans ak yon respè youn pou lòt;
- Moun rive konprann divèsite se yon fòs pa yon feblès li ye;
- Tout timoun grandi nan yon anviwòn kote yo antoure pa moun ki renmen, nourri, ak edike yo; epi
- Nou tout jwenn siyifikasyon pi fon nan lavi nou lè nou bay plis valè sou laverite pase sa ki fè nou alèz, sou pataje pase sa nou ka rive genyen, epi sou lajistis sou bènefis pesonèl.

Depase Fwontyè yo/Beyond Borders travay pou reyalize vizyon sa a atravè misyon li an ki se pou bati mouvman kap ede moun libere tèt yo kont izolasyon ak opresyon. Depase Fwontyè yo/Beyond Borders vize kore kat (4) mouvman prensipal nan peyi Dayiti:

1. Mouvman pou libere timoun ki viktim pratik restavèk la (sèvitid domestik);
2. Mouvman pou fini ak vyolans sou fanm ak tifi ;
3. Mouvman pou tout timoun jwenn aksè ak yon edikasyon kalite ; ak
4. Mouvman pou pèmèt moun soti nan povrete ekstrèm.

Genyen yon “Senkyèm Mouvman” ki vize angaje moun ki pa Ayisyen/Ayisyèn nan mouvman sa yo, chanje mantalite moun yo parapò ak peyi Dayiti epi enfluyans nan sans pozitif fason you angaje ak peyi Dayiti, swa depi lòt bo dlo, swa an Ayiti menm.

Depase Fwontyè yo/Beyond Borders mete kanpe twa (3) pwogram ki se: Inisyativ Kominote Modèl Riral (IKM Riral) ; Inisyativ Kominote Modèl Lavil (IKM Lavil) ; Repanse Pouvwa. Fondasyon genyen biwo nan Potoprens, Lagonav ak Jakmèl. Li genyen patnè ki travay nan yon bon pati nan peyi a. Beyond Borders genyen estaf ki travay plizyè kote Ozetazini ak Kanada.

Objektif Travay pou Evaliyè Mouvmman yo: Dapre rechèch ki fèt, mouvmman sosyal ki gen gwo baz yo kapab transfòme oubyen ede transfòme sosyete de fason efikas epi dirab ala lontèm. Pou mouvmman yo kapab egziste ak pran jarèt, li enpòtan pou moun ki konsène nan mouvmman yo - tankou finansè, ONG, aktivis ak rezo yo elatriye - rive gen menm kalite bon konprann antreyo. Zouti Evalyasyon Kapasite Mouvmman an (ZEKaM), ki te devlope pa *Global Fund for Women* (an kreyòl ayisyen “Fon Mondyal pou Fanm”) epi ki genyen tit an angle “*Movement Capacity Assessment Tool (MCAT)*” fèt pou angaje bann ak kalite pati ki konsène yo, yon jan pou yo tout kapab fè evalyasyon mouvmman yo an ansanm. Aktè mouvmman yo kapab sèvi ak rezilta evalyasyon an pou kòmanse diskite sou kijan pou yo fè fas ak defi yo epi vanse pi devan tankou yon mouvmman. Zouti sa kapab sèvi tou tankou yon zouti planifikasyon ak evalyasyon pou swiv pwogrè yon mouvmman pandan yon kantite tan.

Depase Fwontyè yo/Beyond Borders ap chache yon konsiltan pou travay ak estaf Depase Fwontyè yo an Ayiti pou reyalize evaliyasyon mouvmman li sipòte yo. Lide a se pou evalye chak mouvmman an men pou koumanse ak yon kòm pilòt avan. Mouvmman ki chwazi pou koumanse a se mouvmman pou mete fen nan pratik restavèk la.

II. Objektif Konsiltasyon

Objektif Global: Egzekite evaliyasyon kapasite mouvmman pou mete fen nan pratik restavèk la (sèvitid domestik) an Ayiti pou rive etabli yon baz rezo aktè pou travay ansanm sou mouvmman an onivo nasyonal.

Objektif Espesifik yo:

1. Konstwi yon konsansis pami yon mas kritik aktè kle onivo nasyonal nan mouvmman sou neseste pou konnen eta mouvmman mete fen na pratik restavèk la;
2. Reyalize evalyasyon kapasite mouvmman ak zouti ki rele ZEKaM (Aneks A); epi
3. Mete akte yo ansanm, inisyè mizanplas rezo epi etabli yon fèy wout.

III. Responsabilite Konsiltan

1. Devlop yon metoloji ak yon plan travay (ansanm ak kalandriye) pwopoze pou reyalize pwojè a
2. Pran tan pou byen konnen zouti ZEKaM nan epi koòdone travay ak Reskonsab Swivi ak Evaliyasyon Depase Fwontyè yo sou aplikasyon elektwonik zouti a
3. Travay ak Pwen Fokal Depase Fwontyè yo pou idantifye tout aktè mouvmman ki ta kapab patisipe nan evaliyasyon an
4. Kontakte epi diskite ak enstitisyon ki enplike nan mouvmman pou mete fen nan pratik restavèk la
5. Asire chak aktè ki pral patisipe nan evaliyasyon an konprann zouti ZEKaM nan epi sipòte yo byen ranpli li nan delè ki defini, si nesèsè
6. Asire analiz ak entèpretasyon done ki ranmase yo epi prepare rapò analiz (ak sipò Reskonsab Swivi ak Evaliyasyon Depase Fwontyè yo)
7. Prepare epi òganize atelye echanj sou rapò a
8. Sipòte Depase Fwontyè yo nan preparasyon ak òganizasyon “Espas Louvri” pou defini oryantasyon mouvmman ki chita sou rezilta rapò a
9. Pwodwi rapò sentèz ki soti nan rankont Espas Louvri yo
10. Òganize vwayaj sou teren nan ka sa nesèsè an koòdinasyon / planifikasyon ak Depase Fwontyè yo (ki genyen pou kouvri depans ki makone ak deplasman ak lojman)

Konsiltan an genyen pou pran reskonsabilite pou asire li genyen pwop asirans medikal li pou pèyòd kontra a, epi pou li peye taks dapre sa lalwa Ayisyen an mande nan kad kontra konsiltasyon an.

IV. Reskonsabilite Depase Fwontyè yo/Beyond Borders

1. Rankontre ak Konsiltan pou diskite objektif, awoch, zouti ZEKaM nan elatriye
2. Diskite epi apwouve metodoloji ak apwoch pou reyalize evalyasyon an
3. Defini ki kalite aktè ki ap patisipe nan evalyasyon an
4. Fasilite premye kontak ant Konsiltan ak òganizasyon / aktè mouvman Depase Fwontyè yo genyen relasyon ak yo
5. Sipòte Konsiltan an pou rezoud pwoblèm teknik ak aplikasyon elektownik zouti a
6. Sipòte Konsiltan pou planifye epi òganize rankont Espas Louvri
7. Mete lajan disponib pou reyalizasyon Espas Louvri
8. Bay Konsiltan yon espas nan biwo Depase Fwontyè yo nan Petyonvil pou fasilite travay la (si nesèsè)
9. Kouvri frè telefon pou kominikasyon ak aktè enplike ak estaf la
10. Asire/bay frè depasman / lojman lè Konsiltan bezwen ale sou teren nan kad aktivite kontra a
11. Sipòte Konsiltan an pou rezoud nèn pòt lòt pwoblèm li ka fè fas pandan lap egzekite kontra a

V. Dire Kontra a ak Lòt Tèm ak Kondisyon

Kontra konsiltasyon sa a ap dire 4 mwa, soti 1 Avril pou rive 31 Jiyè 2021. Pandan pèyòd sa a, Konsiltan an genyen pou kontwòl lè ak jou travay la pou yo pa rive plis pase karant (40) jou an total (8è detan egal 1 jou de travay nan kad kontra konsiltasyon sa a).

Li posib okou konsiltasyon an, Depase Fwontyè yo/Beyond Borders deside genyen posibilite pou koumanse travay sou evalyasyon youn nan lòt mouvman yo apwiye, li kapab diskite sa ak konsiltan ki gentan angaje epi renegosye tèm ak kondisyon kontra a, oubyen yo kapab deside angaje yon lòt konsiltan pou koumanse travay sou evalyasyon lòt mouvman an pandan ke Konsiltan sa a kontinye travay sou evalyasyon mouvman mete fen nan pratik restavèk la. Si desizyon an pran pou angaje yon dezyèm konsiltan, li pwobab toulede konsiltan tap genyen pou kolabore ansanm.

VI. Konpetans ak eksperyans

- Genyen pou pi piti yon lisans nan domèn Syans Sosyal
- Genyen pou pi piti 5 lane nan travay sou kesyon sosyal nan peyi a
- Genyen oubyen kapab konstwi yon bon rezo kontak nan mitan òganizasyon yo ki nan mouvman
- Genyen kapasite ak eksperyans nan mete moun ak òganizasyon/enstitisyon ansanm pou diskite epi jwenn solisyon sou kesyon sosyal ann Ayiti
- Genyen lyen, kapasite pou atire moun pou travay ansanm
- Genyen kapasite pou bonjan jesyon/ òganizasyon tan ak plizyè tach alafwa
- Bonjan kominikasyon pou ankouraje kolaborasyon
- Genyen eksperyans nan itilize metòd ak teknik ki pèmèt moun patisipe yon fason aktif nan diskite yon pwoblèm (metodoloji “Espas Louvri” se yon ajou).
- Genyen eksperyans nan pwodui rapò sentèz ki soti nan travay ann gwoup
- Genyen konpetans ak metriz lojisye tankou Microsof “Word” “PowerPoint”, Excel, CommCare
- Genyen konpetans pou travay sou lojisye elektronik (sitou nan kad ranmase ak analize done)
- Fò nan detay, Pwo-aktif, fleksib, kreyatif, kapab travay de fason trè endepandan
- Metrize divès lang ki pèmèt li kominite ak estaf ak aktè nouvan yo (Kreyòl an premye, Fransè ak Anglè vini apre).

VII. Egzijans Pou Depoze Kandidati

- Yon Lèt Motivasyon ki eksplike entèrè ak eksperyans pètinan
- CV ki ajou epi ki montre eksperyans yon travay simile oswa aplikab

- Kopi Lisans ak lòt fòmasyon pwofesyonel ki petinan
- Pwofoma ki an goud (HTG) ak yon tarif jounaliye
- 2 referans pwofesyonèl

Dosye kandidati tou moun ki entèrèse **dwe remèt avan 7è nan aswè jou kap dimanch 21 mas 2021** sou adrès elektronik consultant@beyondborders.net. Nan linn sijè imèl la, tanpri mete **“Konsiltan Evaliasyon Mouvman”**.

Depase Fwontyè yo, se yon oganizasyon ki ofri menm opòtinite a tout moun. Nou ankouraje fanm, moun ki andikape ak manm gwoup ki depi lontan ki majinalize yo postile.